

明代傳記叢刊・學林類①④
周駿富輯

皇明詞林人物考(二)

(明)王兆雲輯

明文書局印行

皇明詞林人物考卷之六

戴仲鵠

公名冠字仲鵠其先江西吉水人戴孟攷客游
信陽因家焉攷生緝訓訓生誼舉鄉試官趙王
左長史冠其仲子也以進士授戶部主事正德
甲戌上書曰臣聞立國以人聚人以財今國家
百六十年而海內虛耗物力頓屈豈不爲之慮
哉宣大陝西諸邊虜數侵軼部運之使相繼告
急加以直隸山東河南淮揚夏旱秋潦饑民流

亡 陛下亦曾畱心不也古人理財務去冗食
京師勢要人家子弟冒名奏冊坐取軍功錦衣
官屬爵級萬餘或藉勇士孩提食糧賄充監局
匠役皆爲國蠹歲運四百萬石不足以供所支
陛下何忍以赤子之膏血而養此無益之蠹
也邊儲屯田十不濟一升斗之粟仰給京倉虜
犯宣大大發京軍宣府日支銀可萬數邊軍土
長習戰若使糧餉以時不至饑寒自足制勝今
一有警急便遣京軍居則奪食戰則奪功邊

苦之烏肯盡其死力哉今宣府春秋免調官軍
三千餘名累經臣下論列 陛下堅不肯掣回

何也太倉之銀垂盡承運庫所存無幾逆瑾財

產 陛下不歸之有司而貯之豹房遂創新庫

以聚私財不過供翫奕具耳務鳩歛以爲帑櫝

之積乃匹夫商賈之行唐玄宗作瓊林大盈竟

至失國播遷貽笑天下後世 陛下何不舉百

千萬之藏籍付有司以給三軍戰守之資耶毋

舍堯舜而踵明皇之失德也 上大怒謫廣東

烏石驛丞烏石瀕海瘴癘難居冠種蔬力學宴
如也冠髮秀而長幾倍于身必兩人持之乃可
櫛沐嘗赴廣州海賊入舟毫無所獲因擊冠墮
水舟子提冠髮出之賊復揮刃斷其髮逐波流
去若有人捧足而出之者三久乃獲濟先是父
長史涉江夜聞水中羣鬼哭令人探深潭得髑
髏無數徙瘞高原復夢前鬼謝曰終當有以報
白骨恩也至是人皆有以冥報云居廣東七年
稍起潛山知縣適嘉靖改元復戶部員外郎歷

延平府知府改蘇州陞山東按察副使提督學
校方一年之間而五遷也未履任遭父喪歸復
除陝西兵備副使以中風輿歸卒所著邃谷集
十二卷

唐文襄

公諱龍字虞佐浙蘭谿人正德戊辰進士知郟
城縣郟卑散流賊且至公集壯丁守賊無敢睨
城去公追殺數百人以有功擢內臺風裁峻整
按滇南上疏諫巡遊斤燹幸轉按江西逆濠甫
平禁兵在境爲患公禁不得逞疏請班師民獲
安堵陞陝西按察副使督學校文貴雅正品士
先器識再陞山西按察使義感囚徒明燭誣獄
以太僕卿徵尋擢僉都御史總理漕運晉副都

召入臺陞吏部侍郎會關中饑邊多警進兵部尚書兼右都御史總督三邊軍務公務賑卹病者興流者復一時將佐樂爲用逾年虜犯寧夏有柳門之捷犯延綏有清水之捷吉囊自將十萬犯安會則又有興武乾講之捷前後俘獲斬首幾千數廷議封爵不果入爲刑部尚書劉源清以討亂卒過嚴劉淑相以奏訐執政皆坐重典公論者皆得錄用加太子太保轉吏部尚書公甄才望崇恬退援滯幽錄救得末減執憲

持法權勢庇援無所避

上以九廟成恩宥太

禮大獄諸臣二十餘人公有力焉尋乞歸養朝

野榮之再起爲南京刑部尚書又改南兵部公

謂制敵在任將請待邊吏文法少寬故諸宿將

逮繫廢黜廢棄疏舉四十餘人無何疾卒年七

十公清忠耿直其臨大事正色直言意氣慷慨

神采英毅屹不可回而性大可率表裏洞見見

人之善與之惟恐後然嫉惡大過以是見媚於

人所著有易大旨歷官奏議漁石集文徵明曰

言木ノ外ニ
今制大臣歿既得請葬祭矣其易名以謚則稽
得視功出宸斷不輕畀也凡館閣侍從之賢
乃德謚文其部院諸曹間有得此者祖宗朝
迄今不數臣焉若冢宰唐公其一也公少從學
章文懿公之門得其源淵學優行鎮爲文章謹
嚴典重有左氏先秦風精詣閎肆號稱作者敷
歷中外隨試輒效聲望偉然而西師俘馘之功
爲多謚曰文襄議者謂公足以當之矣

劉清惠

方思道

公名麟字元瑞一字子振南京鷹揚衛籍江西
安仁人弘治丙辰進士外戚張氏驕橫臺諫龐
津等歷詆罪狀天子震怒下詔獄逮治麟

獨上疏申救援刑部主事出守紹興蒞任纔五
十餘日四封驩然戴之若數十年者以不修問
逆瑾矯旨廢爲編民郡人爲立生祠貧不能
歸遂寓居長興與邑民吳琉郡人施侃宜春龍
霓關中孫一元結社稱爲湖南五隱瑾誅起知

西安陞陝西叅政歷工部尚書奉建節慎庫與
臺臣同典出納自是財無濫用凡工部上供率
關內府中貴人輒陰自損增不受覆覈麟乃條
上當裁省者一十四事并見嘉納中貴人以是
憾之會遣近璫督造龍袍於蘇松麟謂尚衣自
有嘗供請罷之而嘆者益深竟令致仕麟居家
三十餘年蕭然一室賦詩自娛有求見者往往
遜避扁舟往來郡大夫物色訪之始得一見見
亦不談公事麟平生尚氣節以文學馳名於是

律詩步驟盛唐選漢魏字法義獻短牘數字亦
不苟作時出譴語雋永有味片紙隻字人得之
爲至寶末年一意靜養求之者俱不應嘗欲建
樓以居無力內翰文衡山繪一圖名曰神樓騷
人墨客爭詠之衣冠必法古制年八十有八卒
贈太子太保謚曰清惠

言ノ身ノ